

Қачир ауданы әкімдігінің 2009 жылғы 29 қаңтардағы "2009 жылы ауданның мұқтаж азаматтарының жекелеген санаттарына әлеуметтік төлемдер төлеу Нұсқаулығын бекіту туралы" N 23/1 қаулысына толықтырулар енгізу туралы

Күшін жойған

Павлодар облысы Қачир аудандық әкімдігінің 2009 жылғы 22 желтоқсандағы N 358/11 қаулысы. Павлодар облысы Қачир ауданының Әділет басқармасында 2010 жылғы 11 қаңтарда N 12-8-81 тіркелген. Қолдану мерзімінің өтуіне байланысты күші жойылды (Павлодар облысы Қачир аудандық әкімдігінің 2010.03.29 N 30/1-31/139 хаты)

Ескерту. Қолдану мерзімінің өтуіне байланысты күші жойылды (Павлодар облысы Қачир аудандық әкімдігінің 2010.03.29 N 30/1-31/139 хаты).

Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы" Заңының 31-бабы 1-тармағы 14)-тармақшасына сәйкес, ауданның мұқтаж азаматтарының жекелеген санаттарына әлеуметтік көмек көрсету мақсатында аудан әкімдігі **ҚАУЛЫ** **ЕТЕДІ:**

1. Қачир ауданы әкімдігінің 2009 жылғы 29 қаңтардағы "2009 жылы ауданның мұқтаж азаматтарының жекелеген санаттарына әлеуметтік төлемдер төлеу Нұсқаулығын бекіту туралы" N 23/1 қаулысына (Қачир ауданы әділет басқармасында 2009 жылғы 20 ақпан N 12-8-68 тізілімінде тіркелген, 2009 жылғы 21 наурызда "Заря" газетінің N 12 санында жарияланған) мынадай толықтырулар енгізілсін:

көрсетілген қаулысымен бекітілген Нұсқаулықтағы: "Әлеуметтік төлемдер алуға құқығы барлар" 3-тармағында: 38), 39), 40), 41), 42) реттік нөмірлердегі мынадай мазмұндағы тармақшалармен толықтырылсын:

"38) Аз қамтамасыз етілген, көп балалы отбасылар балабақшада және мини-орталықтағы балалар үшін ата-аналар төлемдері бойынша шығындарды өтеуге ;

39) Ұлы Отан соғысына қатысушылар жылу қазандығын сатып алуға және орнатуға ;

40) 1 жасқа дейінгі жасанды қоректендірілетін балалары бар аз қамтамасыз етілген отбасылар балалар тамағына;

41) Ұлы Отан соғысына қатысушылар газетке жазылуға;

42) Маргиналды топтағы тұлғалар құжаттандырылуға";

"Әлеуметтік төлем және басқа да әлеуметтік көмек түрлерін алуға құқылы адамдар үшін тағайындалады" 4-тармағында:

1-тармақшадағы "37)" деген саннан кейін "38), 40), 42)" деген сандармен толықтырылсын;

2-тармақшадағы "36)" деген саннан кейін "39), 41)" деген сандармен толықтырылсын;

"Нұсқаулықтың 2-бөлімінің 3-тармағында көрсетілген азаматтардың санаттарына әлеуметтік төлемдер мына түрлері және мөлшері бойынша тағайындалады" 5-тармағында:

мынадай мазмұндағы 23), 24), 25), 26) және 27)-тармақшаларымен толықтырылсын:

"23) 38)-тармақшада көрсетілген санаттағылар үшін 2400 теңгеден 3800 теңгеге дейінгі мөлшерде 1 балаға ай-сайынғы материалдық көмек";

24) 39)-тармақшада көрсетілген санаттағылар үшін 75000 теңге мөлшерінде жылу қазандығын сатып алуға және орнатуға бір жолғы материалдық көмек;

25) 40)-тармақшада көрсетілген санаттағылар үшін 4470 теңгеден 5960 теңгеге дейінгі мөлшерде ай-сайынғы материалдық көмек;

26) 41)-тармақшада көрсетілген санаттағылар үшін 2010 жылға арналған "Сарыарқа самалы", "Звезда Прииртышья" және "Заря" газеттеріне нақты жазылым бағасы бойынша бір жолғы материалдық көмек;

27) 42)-тармақшада көрсетілген санаттағылар үшін 1000 теңгеге дейінгі мөлшерде бір жолғы материалдық көмек;"

"Нұсқаулықтың 2-бөлімінің 3-тармағында көрсетілген жекелеген азаматтар санаттарына әлеуметтік төлемдерді іске асыру үшін мынадай құжаттар қажет" 9-тармағында 19), 20), 21), 22), 23) реттік нөмірлердегі мынадай мазмұндағы тармақшалармен толықтырылсын:

"19) 38)-тармақшада көрсетілген санаттағылар үшін – дербес есеп шоты көрсетілген осы әлеуметтік төлемге құқығы бар адамның өтініші, СТН, жеке басы куәлігі, азаматтарды тіркеу кітабы, баланың туу туралы куәлігінің көшірмелері, тұрғын үй-тұрмыстық жағдайын тексеру актісі, ауылдық округ әкімінің және (немесе) мектеп директоры, балабақша меңгерушісінің қолдау хаты";

20) 39)- тармақшада көрсетілген санаттағылар үшін – дербес есеп шоты көрсетілген әлеуметтік төлемге құқығы бар адамның өтініші, СТН, жеке басы куәлігі, ҰОС-на қатысқан куәлігінің көшірмелері, "Тереңкөл ауылдық әкімі аппараты" ММ-нің шығындар сметасы";

21) 40)-тармақшада көрсетілген санаттағылар үшін-дербес есеп шоты көрсетілген әлеуметтік төлемге құқығы бар адамның өтініші, СТН, жеке басы куәлігі, азаматтарды тіркеу кітабы, баланың туу туралы куәлігінің көшірмелері,

орталық аудандық аурухана тізімі;
22) 41)-тармақшада көрсетілген санаттағылар үшін - МЗТО бөлімшесімен
салыстырылған тізімге сәйкес;

23) 42)-тармақшада көрсетілген санаттағылар үшін – құжаттануд қажет ететін
тұлғалар тізімі қоса берілген ауылдық округ әкімінің қолдау хаты".

2. Осы қаулы ресми жарияланған күннен бастап күнтізбелік он күн өткеннен
кейін қолданысқа енгізіледі.

3. Осы қаулының орындалуын бақылау аудан әкімінің әлеуметтік мәселелер
жөніндегі орынбасары А.Қ.Мардановаға жүктелсін.

Аудан әкімі

Б. Бақауов